

# طريق الضباط المتخصصين لخريجي الخدمة الاجتماعية

دكتور

**حازم محمد ابراهيم مطر**

قسم التخطيط الاجتماعي

كلية الخدمة الاجتماعية

جامعة حلوان

٢٠١٧م





# طريق الضباط المتخصصين فريجي الخدمة الاجتماعية

حازم مطر

2017م



**اهداء**

**الي روح شهداء وطننا الغالي مصرنا الحبيبة  
رحمه الله تعالى عليهم جميعا وأسكنهم الله  
الفردوس الاعلي**



تحية من القلب لفخامة الرئيس الزعيم المشير

عبد الفتاح السيسي

رئيس جمهورية مصر العربية





## مقدمة:

طبعاً أنت وانتى عارف وعارفة وكلنا عارفين ان خريج خدمة اجتماعية من ضمن التخصصات المطلوبة في الضباط المتخصصين سواء في الداخلية او الحربية، وفي اوقات يطلب اناث فقط وفي اوقات يطلب ذكور واناث.

لو الشروط منطبقة عليك وشوفت الاعلان وعرفت موعد التقديم، والتقديم خلاص قرب، يبقي باقي حاجة بسيطة، وهي انك تعرف ايه اللي بيتم علشان تبقي فاهم وعندك المعلومة، ولو عارف بتكون اعلي ثقة بذاتك، علشان كذا جمعنا رحلة التقدم حتي القبول ان شاء الله في كتاب واحد بيرشدك في الصغيرة قبل الكبيرة، وبمثابة دليل والباقي عليك او عليكي يا ابطال  
استعد...

كن طموح...

جرب...

جازف...

لو مكسبتش اكيد مش هتخسر...

ثق بذاتك...

انت الافضل علي الاقل من وجهة نظرك انت...

كما انه بدأت أكاديمية الشرطة استعدادات مكثفة للتجهيز لاستقبال حاملي درجة الماجستير والدكتوراه للانضمام إلى كلية الشرطة لأول مرة، وذلك بعد موافقة مجلس النواب على مشروع قانون مقدم من الحكومة بالسماح لحاملي الماجستير والدكتوراه بالالتحاق بكلية الشرطة.

ومن المقرر أن يتم قريباً الاعلان عن قبول دفعة جديدة من الضباط المتخصصين، تطلب الحاصلين على درجة الليسانس والبيكالوريوس وايضا الحاصلين علي درجة الماجستير والدكتوراه طبقاً للتخصصات المطلوبة.

ووفقاً لبعض التصريحات، فإنه يشترط للالتحاق بكلية الشرطة من حاملي درجة الماجستير والدكتوراه، عدم مرور سنة ميلادية على حصولهم على الدرجة، ويحصل الطلاب بعد التحاقهم بالكلية على رتبة عسكرية، حيث يحصل حامل درجة الماجستير على رتبة لا تزيد عن "نقيب"، بينما يحصل الحاصل على الدكتوراه على درجة لا تزيد عن "رائد"، ويتدرجوا عقب ذلك في الرتب العسكرية وفقاً للوائح المعمول بها.

وهنا لابد من الإشارة الي ضرورة الاعلان اولا من المصادر المتخصصة، كما لابد ايضا من الاطلاع علي الشروط بالتفصيل، وذلك للتأكد من انطباق الشروط المطلوبة.

وللعلم فإن الملتحقون بكلية الشرطة، يدرسون كافة المواد العسكرية والمواد الخاصة بحقوق الانسان، فضلاً عن تدريبهم على كيفية مواجهة أعمال الشغب والتصدي للجريمة بشقيها الجنائي والسياسي، وتنمية مهاراتهم البدنية والسلوكية.

ويخضع الطلاب المتقدمون لكلية الشرطة الي الاختبارات النظرية والعملية، لذلك يجب الاستعداد تماما لذلك.

وقبل سرد التفاصيل يجب التنويه ان هذا الكتاب مجرد محاولة لمساعدة كافة الطلاب والطالبات خريجي الخدمة الاجتماعية والمنطقة عليهم شروط القبول، وذلك لتوجيههم التوجيه الصحيح من خلال خبرات من سبقوهم في التقديم.

واتمني التوفيق والسداد للجميع...

د.حازم مطر

## إرشادات هامة:

- يعين الخريج الحاصل على درجة الماجستير برتبة لا تجاوز رتبة نقيب، ويعين الخريج الحاصل على درجة الدكتوراه برتبة لا تجاوز رتبة رائد.
- يتم الدخول لأداء جميع الاختبارات من خلال البوابة رقم (٥) بالأكاديمية فقط من الساعة ٧ صباحاً حتى الساعة ٩ صباحاً ثم يتم غلقها ولا يسمح لأى طالب بالدخول للجان بعد هذا الموعد.
- لازم تحضر بدري لان بعد الساعة ٩ غير مسموح نهائيا بالدخول.
- يراعى أهمية أن يكون الطالب حليق الذقن و مهذب الشعر عند الدخول إلى الكلية
- الالتزام الكامل بموعد الحضور فى اليوم المحدد للاختبار.
- عدم حمل تليفون محمول داخل الكلية وخاصة التليفون الذي به كاميرا.
- وياريت البنات تروح من غير شنط.
- مراعاة الإلتزام بالزى ( عدم إرتداء جلباب - شيشب - .... إلخ.
- الإنصياع الكامل و الإلتزام التام بتعليمات الأمن.
- تنفيذ الاوامر.
- الهدوء.
- الكاميرات بكل مكان.
- عدم التجول داخل الكلية لأى سبب من الأسباب.
- مراعاة الحفاظ على نظافة المكان.
- ينشأ قسم الضباط المتخصصين بكلية الشرطة ويكون القبول فيه من بين خريجي الجامعات او المعاهد العليا المصريه او الحاصلين على شهادة معادله ويجوز ان يقبل بهذا القسم من يكون حاصلًا على درجة الماجستير او الدكتوراة من الجامعات المصريه او ما يعادلها.
- يكون ميعاد المثل أمام لجنة الكشف الطبى في تمام السابعة صباحا في اليوم المحدد للكشف.
- احضار البطاقة الشخصية للطالب + بطاقة التردد + صورتان مقاس ٤ × ٦ سم.

- دمغة مهن طبية - وطابع التامين الصحي وتباع بمقر لجنة الكشف الطبي.
- على الطالب أن يلتزم بإحضار شورت وشبشب لارتدائه خلال مراحل الكشف الطبي.
- يجب على الطالب الذى يتقدم إلى لجنة الكشف الطبي أن يكون حليق الشعر.
- تعلن نتيجة اللياقة الطبية من خلال الموقع الإلكتروني.
- في حالة رسوب الطالب في الكشف الطبي، يجوز له التقدم بتظلم للعرض على لجنة التظلمات، وذلك من داخل مقر لجنة الطبي وبعد سداد الرسوم المقررة.

## شروط القبول والالتحاق بقسم الضباط المتخصصين للحاصلين على الدرجة الجامعية الأولى ذكور:

١. أن يكون الطالب مصري الجنسية ومن أبوين مصريين.
٢. أن يكون الطالب حسن السير والسلوك.
٣. أن لا يكون الطالب قد سبق عليه الحكم من قانون العقوبات أو عقوبة مقيدة للحرية أو سبق فصله في خدمة الحكومة بحكم.
٤. أن لا يكون قد مضى على حصول الطالب سنة من تاريخ تخرجه على اعتبار سنة الامتياز سنة دراسية.
٥. أن يكون الطالب مستوفيا لشروط اللياقة من حيث الطول ١٦٥ سم، وعرض صدره ٨٣، ووزنه يساوي طول الطالب ناقص ٩٠.
٦. ألا تقل درجة إبصار الطالب عن النصف.
٧. أن يجتاز الطالب اختبار اللياقة البدنية بما لا يقل عن ٤٠%.
٨. أن يجتاز الطالب الكشف النفسي من خلال مجموعة من الاختبارات ولا يحق فيها الإعادة.
٩. أن يخوض الطالب اختبارا رياضيا وله حق الإعادة لمرة واحدة فقط في حالة رسوبه.
١٠. أن يخضع الطالب لكشف السمات لقياس القدرات والسمات الشخصية والميول المهنية، ولا يحق للطالب الإعادة في حالة رسوبه.
١١. أن يمثل الطالب أمام لجنة اختبار الهيئة التي تقوم بتطبيق القوانين واللائحة الداخلية بهدف انتقاء أفضل العناصر.
١٢. أن يمثل الطالب أمام اللجنة الطبية (موجات صوتية ورسم مخ ومقياس سمع وفحص نسبة السكر بالدم ووظائف كبد وكليتين) بالإضافة إلى كشف المواد المخدرة.

## مدة الدراسة:

عام دراسي واحد، حيث يعين الخريج برتبة الشرف ملازم أول يتمتع من خلالها بكافة المزايا التي تمنح لضباط الشرطة كالرعاية الاجتماعية والصحية.

**ملحوظة:** يتم إعلان نتائج جميع الاختبارات الخاصة بالطلبة المتقدمين على شبكة الانترنت، وذلك تيسيراً على الطلبة وأولياء أمورهم في متابعة نتائج أبنائهم مباشرةً دون تحميلهم مشقة السفر للقاهرة للوقوف على هذه النتائج من مقر الكلية بالتجمع الأول وكذا تحديد موعد الاختبارات القادمة.

## مرحلة إجراءات كشف الهيئة:

١. الطالب الذي اجتاز كافة الاختبارات السابقة، يمثل أمام لجنة كشف الهيئة في المواعيد التي يعلن عنها من خلال موقع الوزارة.
٢. يكون حضور الطالب لمقر كلية الشرطة في تمام الساعة السابعة صباحاً في اليوم المحدد لاختبار الهيئة، ويكون الدخول ببطاقة التردد وبطاقة تحقيق الشخصية.
٣. لا يسمح للطلاب بالتمثل أمام اللجنة مرتدياً بدله كاملة ولكن يسمح له بارتداء قميص أبيض وبنطلون أسود فقط.
٤. وتكون المفاضلة بين الطلبة راغبي الالتحاق بالكلية - ممن اجتازوا الاختبارات السابقة وتوافر فيهم شرط السيرة المحمودة وحسن السمعة لهم ولأقاربهم حتى الدرجة الرابعة، وذلك وفقاً للنسبة المئوية الأعلى لمجموع الدرجات التي حصل عليها الطالب في شهادة إتمام دراسة الثانوية العامة أو الأزهرية أو ما يعادلها، مضافاً إليها مجموع نسب درجاته في اختباري مجموعة الاختبارات الشخصية (السمات) واللياقة البدنية.
٥. تعلن نتيجة كشف الهيئة بعد اعتماده من السيد وزير الداخلية من خلال موقع وزارة الداخلية على الإنترنت ويكون الدخول بالرقم السرى المدون على بطاقة التردد، ومن خلال إعلانها بلوحة الإعلانات المخصصة في ذلك الشأن، وذلك بعد اجتياز الطالب الكشف الطبي المتقدم.

## الاعلان:

يبدأ التقديم لكلية الشرطة قسم الضباط المتخصصين عبر الانترنت بدءاً من ٢٨ يوليو الجاري حتى ١٣ أغسطس وتشمل الكليات المطلوبة للالتحاق بالضباط المتخصصين للذكور والإناث:

١. الطب البشري من حاملي الماجستير والدكتوراه ( أمراض صدرية - جراحة مخ وأعصاب - قلب - كلى - نساء وولادة - صدرية - أنف وأذن.

٢. العلاج الطبيعي

٣. الصيدلة

٤. طب اسنان

٥. طب بيطري

٦. ترميض وهندسة

٧. فنون جميلة

٨. فنون تطبيقية

٩. اعلام

١٠. تجارة

١١. سياحة وفنادق

١٢. آداب

١٣. خدمة اجتماعية

١٤. تربية موسيقية

١٥. اقتصاد وعلوم سياسية

١٦. زراعة وعلوم

١٧. تربية نوعية

١٨. السن ووصيني وأسباني من لغات.

الشروط العامة السابقة، بالإضافة إلى أن يكون مستوفى شروط اللياقة وألا يزيد عمره وقت التقدم للالتحاق بالقسم عن ٢٨ سنة البكالوريوس والليسانس و ٣٠ سنة للحاصلين على الماجستير و ٢٥ سنة للحاصلين على الدكتوراه، وألا يكون قد مضى على وقت حصوله على المؤهل أكثر من عامين.

### الاختبارات المطلوبة:

اختبار القدرات، وهو اختبار تحريري يستهدف قياس مستوى ثقافة الطالب، واختبار المقاس والقوام والكشف الطبى والاختبارات الرياضية وكشف السمات ثم كشف الطبى المتقدم ثم كشف الهيئة.، ويتم التقديم عن طريق موقع الأكاديمية [www.moiegypt.gov.eg](http://www.moiegypt.gov.eg) ، حيث يدخل الطالب اسمه ورقم البطاقة ويحصل على رقم سرى، وبعدها يطبع الافادة التى تظهر له من خلال الموقع ويملاً البيانات ويتوجه لأول اختبار محدد له وفقاً للموقع.

### الأوراق المطلوبة:

٤ صور شخصية، وشهادة الميلاد وبطاقة الرقم القومى وشهادة الثانوية او ايصال مكتب التنسيق او بيان درجات معتمد.

وماذا يتم بعد ذلك؟ يتوجه للتقديم عبر بوابة ٥، ويتم تحديد اختبار القدرات له فى نفس اليوم، ويحصل على كارت التردد على الاكاديمية لأداء باقى الاختبارات، ويتابع النتائج وباقى مواعيد الاختبارات عبر موقع الأكاديمية من خلال الرقم السرى الذى حصل عليه.

وماذا عن الطلاب الذين لهم دور ثان؟ يؤدى الطلاب اختبارات القدرات والمقاس والقوام، ويتوقفوا حتى يتم الاعلان عن النتيجة لاستكمال باقى الاختبارات، وما هى مزايا الالتحاق بالضباط المتخصصين؟ مدة الدراسة عام واحد، ويمنح الدارس مكافأة مالية، ويعين الضابط خريج الضباط المتخصصين برتبة ملازم أول للحاصلين على بكالوريوس أو ليسانس ونقيب للحاصلين على الماجستير ورائد للحاصلين على الدكتوراه، وله الرعاية الطبية اللازمة والرعاية الاجتماعية والثقافية.

مجموعة الهندسة

م	الكلية	المؤهل أو الدرجة العلمية	التخصص	النوع
١	الهندسة (نظام ٥ المعلمات والحاسبات "نظام ٤ سنوات")	بكالوريوس	حاسبات	ذكور وإناث
٢	الهندسة (نظام ٥ سنوات)	بكالوريوس	اتصالات والكترونيات كهرباء قوى ميكانيكا سيارات ميكانيكا إنتاج ميكانيكا قوى مدني بحرية عمارة	ذكور

التخصصات الأخرى

م	الكلية	المؤهل الدرجة العلمية	التخصص	النوع
١	فنون جميلة	بكالوريوس	جرافيك	ذكور وإناث
٢	فنون تطبيقية		تصوير سينمائي - طباعة	ذكور
٣	إعلام		صحافة - إذاعة وتليفزيون	ذكور
٤	تجارة		إحصاء	ذكور
٥	سياحة وفنادق		دراسات فندقية	ذكور
٦	آداب		مكتبات - اجتماع - علم نفس	إناث
٧	خدمة اجتماعية			إناث
٨	تربية موسيقية			ذكور
٩	اقتصاد وعلوم سياسية		إحصاء	ذكور
١٠	زراعة		إنتاج حيواني	ذكور
١١	علوم		كيمياء (طبيعية - عامة)	ذكور
١٢	تربية نوعية		تكنولوجيا تعليم تربوي	ذكور
١٣	السن		إنجليزي	ذكور
١٤	السن		فرنسي	ذكور وإناث
١٥	آداب		فرنسي	إناث
١٦	كليات اللغات		"إيطالي - روسي"	ذكور وإناث
		"ألماني"	ذكور	
		"صيني - إسباني"	إناث	

**التخصصات الجامعية المطلوبة للإلتحاق بقسم الضباط المتخصصين**

مجموعة المتخصصين				
النوع	التخصص	المؤهل أو الدرجة العلمية	الكلية	م
ذكور وإناث	أمراض صدرية جراحه مخ واعصاب جراحة الأوعية الدموية باطنة عامة قلب ورعايه مركزة مسالك	دكتوراه وماجستير	الطب البشري	١
ذكور	كلية			
	نساء وولادة			
	عظام			
	رمد			
	جراحه عامه			
	جهاز همشي ومناظير			
	صدرية			
	تحليل طبيه			
	انف واذن			
	طب الطوارئ	ماجستير		
الرعاية المركزة				
باطنة أورام				
النفسية والعصبية				
ذكور	عام	بكالوريوس	علاج طبيعى	٢
ذكور وإناث		بكالوريوس	صيدلة	٣
ذكور وإناث		بكالوريوس	طب أسنان	٤
ذكور		بكالوريوس	طب بيطري	٥
إناث		بكالوريوس	تمريض	٦

**مواعيد تقديم طلبات الإلتحاق**

(أولاً) : بالنسبة لطلبة الثانوية العامة وما يعادلها والثانوية الأزهرية :

- تبدأ إعتباراً من يوم الثلاثاء الموافق ٢٠١٨/٧/٢٤ حتى يوم الإثنين الموافق ٢٠١٨/٨/١٣ ولمدة ٢١ يوماً (من خلال موقع وزارة الداخلية على شبكة الإنترنت) .
- وتكون للطلبة الحاصلين على (الشهادة الثانوية من الخارج - الشهادات الأجنبية) إعتباراً من يوم السبت الموافق ٢٠١٨/٧/٢٨ حتى يوم الإثنين الموافق ٢٠١٨/٨/١٣ ولمدة ١٧ يوماً وذلك (من خلال مكتب تنسيق القبول بكلية الشرطة).

(ثانياً) : بالنسبة للطلبة المتقدمين لقسم الضباط المتخصصين :

- تبدأ إعتباراً من يوم السبت الموافق ٢٠١٨/٧/٢٨ حتى يوم الإثنين الموافق ٢٠١٨/٨/١٣ ولمدة ١٧ يوماً (من خلال مكتب تنسيق القبول بكلية الشرطة).

**( رابعاً )**

**الإختبارات المقسورة**

- (١) : إختبار القدرات : هو إختبار تحريري يستهدف قياس مستوى ثقافة الطالب ومعلوماته العامة، وليس للطالب حق الإعادة في هذا الإختبار في حالة الرسوب.

- (٢) : إختبار المقاس والقوام :

- إختبار المقاس : يتم قياس طول القامة للتأكد من استيفاء المقاييس المطلوبة، وفي حالة عدم إستيفاء المقاييس المطلوبة لا يكون للطالب حق الإعادة
- إختبار القوام : يتم إختبار القوام من خلال التأكد من تناسب الطول مع الوزن (الطول - ٩٠) ويكون للطالب حق الإعادة لمرة واحدة فقط -

## إجراءات التقديم للإلتحاق بكلية الشرطة

- مكان الإختبارات : يكون الدخول للأكاديمية لإجراء الإختبارات من البوابة رقم (٥) بالأكاديمية إعتباراً من الساعة ٦ صباحاً.
- إجراءات تقديم طلبات الإلتحاق :
  - (١) بالنسبة لطلبة الثانوية العامة والثانوية الأزهرية : يتم التقديم للإلتحاق من خلال موقع وزارة الداخلية على شبكة الإنترنت ([www.Moiegypt.Gov.EG](http://www.Moiegypt.Gov.EG)) ، وكذا متابعة نتائج الإختبارات المختلفة عليه ، حيث يتم إتباع الخطوات الآتية :
    - بعد الدخول على موقع وزارة الداخلية على شبكة الإنترنت يتم الدخول منه على صفحة أكاديمية الشرطة.
    - يقوم الطالب بإدخال ( الرقم القومي - رقم الجلوس ) .
    - تظهر للطالب البيانات الخاصة به والتي تتضمن (الإسم - المجموع الحاصل عليه في الثانوية - إسم المنطقة التعليمية).
    - يختار الطالب يوم من بين ثلاثة أيام لأداء إختبار القدرات.
    - يظهر للطالب رقم اللجنة والرقم السري الخاص به الذي سوف يتواصل به مع موقع الأكاديمية.
    - ينوه للطالب ببلاعة الإفادة الدالة على قيامه بالتقدم للإلتحاق بالكلية والتي تحتوي على ( إسم الطالب - رقم القيد - رقم اللجنة - تاريخ إختبار القدرات - تعليمات الأمن) من خلال الموقع المشار إليه.
    - ينوه للطالب بضرورة إحضار ( عدد ٤ صور مقاس " ٦ x ٤ " - شهادة الميلاد - بطاقة الرقم القومي - شهادة الثانوية العامة أو إيصال مكتب التنسيق أو بيان درجات معتمد من الإدارة التعليمية المختصة أو صورة ضوئية معتمدة طبق الأصل).
  - (٢) : **الكشف الطبي** : يتم إجراء الكشف الطبية المقررة أمام اللجنة الطبية المختصة ، وللمتقدم في حالة رسوبه الحق في الاعادة لمرّة واحدة فقط -
  - (٣) : **الكشف النفسي** : يتم إجرائه أمام اللجنة الطبية المختصة من خلال مجموعة من القياسات النفسية ، ولا يحق للراسب الإعادة في هذا الإختيار.
  - (٤) : **إختبار الرياضيات** : يؤدي الطالب الإختبار الرياضي في عدد من التمرينات الرياضية المقررة ، ويكون للطالب حق الإعادة لمرّة واحدة في حالة رسوبه -
  - (٥) : **كشف السمات** : ويتم من خلال إخضاع الطالب لبطارية إختبار السمات لقياس القدرات العقلية والسمات الشخصية والميول المهنية ولا يحق للراسب الإعادة في هذا الإختيار.
  - (٦) : **الكشف الطبي المتقدم** : يمثل الطالب أمام لجنة طبية لإجراء إختبارات طبية متقدمة على النحو التالي :
    - موجات صوتية على " القلب - البطن " .
    - رسم مخ كهربائي.
    - مقياس سمع تقليدي.
    - وختائف الكبد والكليتين.
    - الكشف عن العقاقير والمواد المخدرة.
    - تحليل الإيدز.
    - تحليل السكر التراكمي.
    - تحليل صورة دم كاملة.
    - تحليل هرمونات الغدة الدرقية.
    - تحليل إنزيم تكمير العضلات.
  - (٧) : **لجنة الإختبار (الهيئة)** : عقب اجتياز الطالب لكافة الإختبارات السابقة بنجاح ، يمثل أمام اللجنة المشكلة للاختيار والتي تقوم بتطبيق معايير المفاضلة المنصوص عليها بقانون إنشاء أكاديمية الشرطة ولائحتها الداخلية بهدف انتقاء أفضل العناصر.

### إجراءات التقديم للإلتحاق بكلية الشرطة

- مكان الإختبارات: يكون الدخول للأكاديمية لإجراء الإختبارات من البوابة رقم (٥) بالأكاديمية إعتباراً من الساعة ٦ صباحاً.
- إجراءات تقديم طلبات الإلتحاق:
  - (١) بالنسبة للطلبة الثانوية العامة والثانوية الأزهرية: يتم التقديم للإلتحاق من خلال موقع وزارة الداخلية على شبكة الإنترنت ([www.Moiegypt.Gov.EG](http://www.Moiegypt.Gov.EG)), وكذا متابعة نتائج الإختبارات المختلفة عليه، حيث يتم إتباع الخطوات الآتية:
    - بعد الدخول على موقع وزارة الداخلية على شبكة الإنترنت يتم الدخول منه على صفحة أكاديمية الشرطة.
    - يقوم الطالب بإدخال ( الرقم القومي - رقم الجلوس ).
    - تظهر للطالب البيانات الخاصة به والتي تتضمن (الإسم - المجموع الحاصل عليه في الثانوية - إسم المنطقة التعليمية).
    - يختار الطالب يوم من بين ثلاثة أيام لأداء إختبار القدرات.
    - يظهر للطالب رقم اللجنة والرقم السري الخاص به الذي سوف يتواصل به مع موقع الأكاديمية.
    - ينوه للطالب بطباعة الإفادة الدالة على قيامه بالتقديم للإلتحاق بكلية والتي تحتوي على ( إسم الطالب - رقم القيد - رقم اللجنة - تاريخ إختبار القدرات - تعليمات الأمن) من خلال الموقع المشار إليه.
    - ينوه للطالب بضرورة إحضار ( عدد ٤ صور مقاس " ٦ x ٤ " - شهادة الميلاد - بطاقة الرقم القومي - شهادة الثانوية العامة أو إيصال مكتب التنسيق أو بيان درجات معتمد من الإدارة التعليمية المختصة أو صورة ضولية معتمدة طبق الأصل).
  - ينوه للطالب بطباعة نموذج طلب الإلتحاق بكلية ، والقيام بمليء البيانات المطلوبة، على أن يقوم الطالب بإحضار طلب الإلتحاق عند حضوره لمقر الكلية.
  - عند حضور الطالب للأكاديمية ، يسمح له بالدخول من البوابة رقم (٥) بعد التحقق من حمله نموذج طلب الإلتحاق ، والتحقق من شخصيته من خلال بطاقة الرقم القومي الخاصة به ، ثم يتوجه لمنفذ سداد الرسوم للحصول على ملف التقديم والنماذج الخاصة بوثائق التعارف.
  - يتوجه الطالب لمقر لجنة يتسلم بطاقة التردد بعد ختمها بخاتم اللجنة والتي يسمح له بموجبها بالتردد على الأكاديمية.
  - في ذات اليوم يتوجه الطالب لمقر إختبار القدرات.
  - لمعرفة نتيجة إختبار القدرات يتم الدخول على موقع الأكاديمية المشار إليه عن طريق الرقم السري والرقم القومي، وفي حالة نجاح الطالب يتحدد له موعد إختبار (المقاس - القوام).
  - في حالة رسوب الطالب في إختبار القدرات لا يحق له الإعادة.
  - يتوجه الطالب إلى مقر لجنة إختبار المقاس وفي حالة اجتيازه بنجاح يتوجه لأداء إختبار القوام.
  - في حالة رسوب الطالب في إختبار المقاس لا يحق له الإعادة.
  - لمعرفة نتيجة القوام يتم الدخول على موقع الأكاديمية على شبكة الإنترنت، وفي حالة اجتيازه بنجاح يتوجه في اليوم التالي إلى مقر اللجنة الخاصة به ومعه عدد (٤) صور شخصية وبطاقة الرقم القومي وبطاقة التردد ووثائق التعارف الخاصة بإجراء التحريات التي تم إستلامها مع ملف التقديم، والإقرارات الموجودة بالملف، لإستكمال إجراءات التقديم باللجنة قبل تحديد موعد الكشف الطبي.
  - في حالة رسوب الطالب في إختبار القوام يحق له الإعادة (بدون رسوم) ويتم تحديد موعد الإعادة إلكترونياً.

•• عند اجتياز الطالب للكشف الطبي والنفسي تظهر الخطوات والتعليمات الخاصة بتحرير طلب الالتحاق على الموقع الإلكتروني حيث يتم طباعة وثائق التعارف واستيفاء كافة البيانات الواردة بها ويقوم الطالب وولي أمره بالتوقيع على وثائق التعارف ويتم تسليمها إلى اللجنة حيث تضطلع اللجنة بمراجعة كافة الأوراق والبيانات الخاصة بالطالب والتأكد من صحتها من خلال المستندات الدالة على ذلك.

#### ( سادساً )

### المزايا الخاصة بقسم الضباط المتخصصين

- يتمتع طلاب قسم الضباط المتخصصين بكلية الشرطة بأكاديمية الشرطة بالمميزات التالية :

- ( الأولى ) : مدة الدراسة عام دراسي واحد.
- ( الثانية ) : يُمنح الدارس طوال فترة الدراسة مكافأة تُوازي المُرتب المُقرر للمؤهل الجامعي الحاصل عليه.
- ( الثالثة ) : يُمنح الخريج شهادة الدبلوم في مواد الشرطة.
- ( الرابعة ) : يُعين الخريج ضابطاً ببيئة الشرطة، برتبة ملازم أول للحاصلين على البكالوريوس أو الليسانس أو ما يعادلها، وبما لا يجاوز رتبة نقيب للحاصلين على درجة الماجستير، وبما لا يجاوز رتبة رائد للحاصلين على درجة الدكتوراه.
- ( الخامسة ) : يتمتع الخريج بكافة المزايا المقررة لضباط الوزارة وأهمها ما يلي :

- رعاية صحية بمستشفيات هيئة الشرطة للضابط وأسرته.
- رعاية رياضية (بالاشتراك في نوادي الشرطة على مستوى الجمهورية).
- رعاية اجتماعية (المصايف - الحج - العمرة - الرحلات - إلخ).
- رعاية ثقافية (السماح بالدراسات العليا والبعثات).

### التيسيرات المقدمة للمتقدمين للالتحاق بكلية الشرطة

- (1) : إعلان نتائج جميع الاختبارات الخاصة بالطلبة المتقدمين وتحديد مواعيد الاختبارات من خلال موقع الوزارة على شبكة الإنترنت، وذلك تيسيراً على الطلبة وأولياء أمورهم في متابعة نتائج أبنائهم دون تحميلهم مشقة السفر للقاهرة للوقوف على هذه النتائج من مقر أكاديمية الشرطة .
- (2) : طباعة كتيب يحتوي على جميع الخطوات اللازمة للتقدم للالتحاق بكلية الشرطة وقسم الضباط المتخصصين يحتوي على كافة الإستفسارات المتعلقة بالتقديم، ويتم تسليمه مع ملف التقديم.
- (3) : إعداد منفذ لاستخراج صُحف الحالة الجنائية.
- (4) : إعداد منفذ لبيع الطوابع والدمغة وكذا نسخ الأوراق.
- (5) : إعداد منفذ للتصوير الفوتوغرافي الفوري.
- (6) : إعداد منفذ للأحوال المدنية لإستخراج الوثائق اللازمة للطلبة المتقدمين للالتحاق.
- (7) : تشكيل لجنين للإستعلامات على بوابتي الأكاديمية (الرئيسية - رقم 5) للرد على إستفسارات المترددين.
- (8) : إعداد مركز لخدمة الطلبة الجدد داخل لجان تلقي الطلبات (للتيسير على الطلاب والرد على إستفساراتهم).

## الخطوات الرئيسية خطوة خطوة:

- (١) التأكد ان تخصصك مطلوب.
- (٢) التأكد من انطباق الشروط عليك.
- (٣) الذهاب لمقر الاكاديمية بالتجمع الخامس.
- (٤) شهادة الميلاد الاصل والصور.
- (٥) البطاقة الاصل والصور.
- (٦) القيد العائلي الاصل والصور.
- (٧) صور شخصية رسمية بزيادة.
- (٨) شهادة البكالوريوس اصل وصور.
- (٩) خلي معاك صور من كل اوراقك.
- (١٠) شهادة الثانوية العامة اصل وصور.
- (١١) مؤهلات الاب والام اصل وصور.
- (١٢) صور بطايق الاب والام والاخوة والاخوات.
- (١٣) الضابط بيشوف البطاقة والشهادة علي الباب ويسمح لك بالدخول ان كان تقديرك مطلوب وتخصصك وانك حضرت قبل الساعة ٩ صباحا.
- (١٤) سحب الملف برسوم.
- (١٥) وثائق التعارف ٣ نسخ يتم تعبئتهم.
- (١٦) كارت بيانات الاسرة كلها بالتفصيل، الاب والام والجد والجدة والخلان والخالات والعموم والعمات ومؤهلاتهم وسنهم وعملهم.
- (١٧) يتم مراجعة الاوراق السابقة وتوقع وتختم.
- (١٨) بعد كذا تمشي.
- (١٩) تحضر تاني لاول اختبار وهو اختبار القدرات.
- (٢٠) اختبار القدرات عبارة عن معلومات عامة عن مصر.
- (٢١) جاوب الاسئلة كلها ولا تترك سؤال.
- (٢٢) بلاش الشنط علشان كل شوية تفتيش.
- (٢٣) احفظ ورقك في فايل بلاستك.
- (٢٤) النتيجة بتظهر علي الموقع.
- (٢٥) تحصل علي النتيجة برقم القيد ورقم البطاقة.
- (٢٦) الاكاديمية بتفتح ٦ الاربع صباحا والباب بيقتل الساعة ٩ صباحا.
- (٢٧) اذا كنت لائق بتكمل.

- (٢٨) وثاني اختبار سيكون للوزن والطول.
- (٢٩) ووزنك لازم يكون = طولك - ٩٠
- (٣٠) الطول له شروط.
- (٣١) الوزن له شروط.
- (٣٢) لازم تنطبق عليك الشروط.
- (٣٣) بيتم الاختبار من خلال جهاز يقيس الوزن والطول.
- (٣٤) اذا وزنك كان زيادة معاك مهلة اسبوع تخس فيه.
- (٣٥) حافظ علي كارت التردد.
- (٣٦) بعد كذا بتمشي.
- (٣٧) النتيجة من الموقع.
- (٣٨) ان كنت لائق كمل معانا.
- (٣٩) وهنا فيه تظلم للغير لائق.
- (٤٠) بعد كذا اختبار الطبي.
- (٤١) الطبي باطنة وعظام وجلدية وانف واذن وحنجرة وعيون واسنان وعرض عام.
- (٤٢) بلاش اللانسسز.
- (٤٣) ثم تتابع النتيجة علي الموقع.
- (٤٤) اللائق يكمل معانا.
- (٤٥) والغير لائق ممكن يتظلم.
- (٤٦) الاختبار في اليوم التالي سيكون الاختبار النفسي.
- (٤٧) الصبر ثم الصبر ثم الصبر.
- (٤٨) الهدوء ثم الهدوء ثم الهدوء.
- (٤٩) ثم بعد كذا النتيجة من خلال الموقع.
- (٥٠) واللائق يكمل والغير لائق مفيش تظلم.
- (٥١) الاختبار التالي الاختبار الرياضي.
- (٥٢) ضغط.
- (٥٣) جري.
- (٥٤) بطن.
- (٥٥) وثب.
- (٥٦) مرونة.
- (٥٧) وهنا بتلبس ترنج وكوتش.

- (٥٨) لو رسبت في عنصر واحد في الرياضي بتعيدهم كلهم.
- (٥٩) ثم النتيجة من الموقع.
- (٦٠) اللائق يكمل والغير لائق فيه تظلم.
- (٦١) وبعد كذا اختبار السمات.
- (٦٢) وهي اسئلة عامة.
- (٦٣) اسئلة ذكاء IQ
- (٦٤) حملها من النت وراجعها.
- (٦٥) الاجابة بتكون من علي الكمبيوتر.
- (٦٦) والنتيجة بتتاخر ولكنها تظهر علي الموقع ايضا.
- (٦٧) هنا بتكون التحريات عليك والتقارير الامنية.
- (٦٨) لو في مشكلة امنية بلاش تضيع وقتك.
- (٦٩) بعد كذا اختبار الطبي المتقدم.
- (٧٠) سونار وكشف دقيق.
- (٧١) ثم النتيجة علي الموقع.
- (٧٢) واخر اختبار هو الهيئة.
- (٧٣) تلبس فورمل.
- (٧٤) بنظلون قماش اسود متناسق لا ضيق ولا واسع.
- (٧٥) الجينز لا واي حاجة غير القماش لا.
- (٧٦) شميز ابيض وطرحة مناسبة.
- (٧٧) جزمة سودا وشراب.
- (٧٨) ميك اب لا.
- (٧٩) تنتظر رقمك ولما تسمعه تقول تمام يافندم.
- (٨٠) تتدخل مباشر للجنة وتنتظر امام .
- (٨١) تقف انتبابة.
- (٨٢) لا تتحدث الا اذا طلب منك.
- (٨٣) تجاوب علي السؤال فقط.
- (٨٤) تنتظر حتي تخرج زميلتك.
- (٨٥) لا تلتف حولك.
- (٨٦) تدرب علي الوقوف انتباه.
- (٨٧) تمشي بانضباط.

- (٨٨) هناك كاميرات في كل مكان.
- (٨٩) لا ترفع صوتك ولا تخفضه.
- (٩٠) لا تصرخ.
- (٩١) لا تتردد.
- (٩٢) ثق بنفسك.
- (٩٣) استخدم المصطلحات الرسمية.
- (٩٤) كن صبورا.
- (٩٥) تحمل الضغوط.
- (٩٦) حافظ علي حلمك.
- (٩٧) تنتظر شهر تقريبا للنتيجة النهائية.
- (٩٨) يتم الاتصال بالمقبولين.
- (٩٩) ربنا يوفقكم يارب.
- (١٠٠) تحيا مصر.

### قصة واقعية:

#### اول يوم طبي:

مع توضيح وشرح ال بيحصل ف الطبي وشوية نصايح للرياضي، وصلت الكليه ٥ ونص لازم تكون معاك البطاقه لانك هتدخل بيها بعد ما دخلنا شافوا كارت التردد والبطاقه واخذوا البصمه مننا بعد كذا ركبونا اتوبيسات ودخلت بينا جوه تحت مظله قاعدنا تحتها والضابط بينادي برقم القيد يعني مثلا كان بينده من رقم قيد ١٤ الف لرقم قيد ٢٠ الف يقوموا بعد كذا يقسمهم مجموعات ١ أ وهكذا كل مجموعه بتكون حوال ٢٥ او ٣٠ واحد معاهم مندوب المندوب دا بيكمل معاك لآخر اليوم ويبكون معاه الورق بتاعك وبيوجهك للعيادات لاداء الاختبار بياخدكم المندوب لغرفة تغير الملابس بتغيروا وكل واحد بيبليس كيس بلسنك ف رجله وبعد كذا بتطلعوا تقعدوا ع كراسي بره لاداء اول اختبار وهو الطول والوزن، بالنسبه للطول: لو انت طولك ١٧٠ بالطبط انت وحظك ممكن الاله تقري طولك ١٦٩ او ١٦٨ وممكن ١٧٠ بالطبط انت وحظك اما لو ف حاله قرت طولك اقل بنتعرض ع مستشار بيحدد اذا كنت تنفع او لا، بالنسبه للوزن لو وزنك زايد خالص او اقل خالص بنتعرض ع مستشار ودا يعتبر الالتماس بتاعك هو بيحدد اذا كنت تنفع او لا بعد كذا بتطلعوا الدور الثاني العيادات كلها جنب بعضها ساعات بتدخلوا العياده ع حسب ترتيب المجموعه بالترتيب وساعات لو ف عياده فاضيه بتدخلوها عطول بتدخل جميع العيادات ال ٨ بعد ما بتخلص بتطلع تقعد تحت مظله بياخد منك كرت التردد

والمندوب بيدخل الاوراق بتعتكوا الارشيف بعد كدا بيطلع يقول النتيجة ال سقط ف اكثر من عياده بيقله مفيش نصيب ويروح ال نزل ف عياده بيديله كرت التردد وبيقله انزل اعمل التماس تحت بتنزل تعمل التماس ف العياده ال سقط فيها وبيحيبك تاني تتعرض ع لواء دكتور هو بيحدد اذا كنت تنفع او لا اما الناجح بيديله الكارت وبيقله تيحي بكرهتاني يوم طبي، بتدخل بالبطاقه ويكرت التردد وبالبطاقه، بتركبوا اتوبيسات وبتدخل بيكم جوه تحت مظله الضابط بينده بارقام القيد وبيوزعهم مجموعات المجموعه بتوصل من ٥٠ ل ٦٠ طالب بيبقا معاك المندوب بيكمل معاك للاخر بالنسبه للكشوفات ال ف اليوم دا، اشعة صدر - قاع عين - قلب ورسم قلب - موجات صوتيه.

### شرح الكشوفات:

**اول يوم طبي:** كشوفات اليوم دا طول ووزن - انف واذن واسنان - نفسي - جراحه - جليديه - رمد - عمي الوان - عظام.

### اولا - الطول والوزن :

بالنسبه للوزن : الوزن مهم جدا لما تقيس طول ووزن ولقي وزنك ناقص اكثر من ١٠ كيلو او اقل من ١٠ كيلو هتتعرض ع مستشار وهتقف قدامهم هيقلك لف ارفع ايدك الكلام دا كله اهم حاجه وانت واقف قدامه تحاول تنفخ نفسك لان اهم حاجه عنده ان جسمك يكون متناسق بمعني يكون رياضي مش مفشول لو متناسق هيعديك ومتقلش اكثر الناس بتعدي وممكن ميحولكش لمستشار ع حسب الدكتور ال هيكون واقف وانت وبتكشف وزن وطول بالنسبه للطول : لو طولك اقل من ١٧٠ بتطلع ناس كثير طولها من ١٧٠ ل ١٧٢ يجوا يكتشفوا يلاقوا وزنهم ١٦٩ او ١٦٨ مش عارف اقلكوا ايه يا رجاله والله بس توقعي يعني انت لو فاكر يوم ما اتقاس طولك ف يوم سحب الملف كنت لابس جزمه او كوتش وطبعا زودت معاك ف الطول سنتي او اتنين وطبعا ف الطبي بتقيس من غيرها.

بعد كدا المندوب بياخدكم عشان تختبروا بقية الاختبارات ومش محدده بمعني اي عياده فاضيه هيدخلك فيها علطول يعني ممكن لو عيادة الجراحه فاضيه هتدخلها لو مشغوله والجليديه فاضيه هيدخلك لغاية ما العياده المشغوله تفضي كدا.

## ثانيا - انف واذن واسنان :

بالنسبة للناس ال عندها مشكله ف الاسنان بصوا عموما الكشف دا ميتخافش منه لانه مش بيسقط حد ع قد كدا الحاله الوحيديه ال ممكن تطلع منها ف الكشف دا لو عندك سنه او ضرس مخلوع ومأثر ع مخارج الحروف لانه هيقلك جمله تقولها دا غير الاختبار النفسي طبعاً، بالنسبه للي عنده اعوجاج بسيط ف الانف هتلق نفسك وتروح لدكتور بره وتقوله انك بتقدم وكدا وقله انا سمعت ف قطره كدا ممكن متبينش حاجه هيقلك عليها لانني مش فاكر اسمها وهيقلك ع طريقة استعمالها، بالنسبه للاذن لازم تغسل ودانك قبل كشفك.

## ثالثا - النفسي:

الكشف دا بيشوف انت الدغ ولا لا وهيقلكو ع جمله زي ( امر امير الامراء بفخر بئر ف الصحراء (او ممكن يقلك قول ٦٦ او ٤٤ وممكن يستلوكوا سؤالين ممكن يقلك عاصمة امريكا اسمها كدا جاوبت ما جوبتش متقلقش عادي المهم لو مش عارف قله مش عارف يا فندم الاختبار دا كله بيعدني منه الا الالادغ ونسبة نطقه للحرف معدومه.

## رابعا : الجراحه:

والكشف دا بيشوف عندك بواسير ولا لا وبيشوف عندك دوالي ولا لا والعهاده السريه تبطلها قبلها باسبوع يعني من دلوقت حتي المتجوزين امسكوا نفسكوا يومين او تلاته.

## خامسا - الجلديه:

بيكشف عن اي امراض جلديه ف الجسد او اي اثر لعمليات جراحه من فوق لتحت يعني لو ف اثر لخياطه وبالنسبه لحب الشباب حب الشباب بيأثر لو ف الوجه وبكثره اما لو ف الظهر وكدا ساعات مش بيحطه ف الاعتبار.

## سادسا - الرمده:

بيعدك ع كرسي وبيبقا فيه ف الاخر الاوضه كدا عباره عن لوحه او جهاز والدكتور واقف جنبك بيقلك غمض عين وفتح التانيه او ممكن يكون ف ايده حاجه كدا بيغمي عينك بيها وبيكون معاه ليزر بيشاورلك ع دواير صغيره وكدا.

## سابعا - عمي الالوان:

بالنسبة لعمي لالوان : ف الدكتور بيكون معاه كروت كدا ملونه وفيها ارقام من واحد ل 99 وبيوريك كروت عشوائيه وبيقلك الرقم ال موجود دا رقم كام فانت تبحت ع النت ع الاختبار دا هيظهرلك الكروت دي تدرب عليها.

### ثامنا - العظام :

الكشف دا بيسقط ناس كثير عندها تقوص للرجلين او الايديين او التصاق هيقلك اقعد وربع لازم رجلك تلمس الارض وانت مربع وسعات ممكن مترعش هيقلك اقف ع تراتيف صوابك وغنض عينك ببشوف اعصابك ولازم تركز لما تغمض لانها صعبه جدا واكثر الناس تيجي واقفه ع تراتيف صوابها ولما تغمض تيجي وقعه او ترجع توقف ع رجليها كامل

### شرح ثاني يوم طبي:

كشوفات اليوم دا ( اشعة الصدر - قاع عين - موجات صوتيه - قلب ورسم قلب ) التحاليل ف العرض الطبي العام

### اولا - عياده اشعة الصدر:

ال بيخرج منها ال عنده كسر ف الضلوع بعد كدا بتطلع تقعد تحت مظله بيحطلك قطرة قاع العين وبتقعد شويه وبعد كدا بتطلع فوق تكشف بقية العيادات والعياده ع حسب ال فاضي

### ثانيا - قاع العين :

كانت صعبه ناس كثير بتطلع بسبب عمليات تصحيح النظر وناس كثير عاملها من مده كبيره من ٣ سنين وطلعت

### ثالثا - عيادة الموجات الصوتيه :

ملهاش التماس للي بيسقط فيها وقليل ال كان بيطلع منها

### رابعا - القلب ورسم القلب :

لازم تكون هادي جدا لان ضربات القلب بتكون سريعه بسبب التوتر وال ضربات قلبه سريعه ف الاتنين بيطلع والدكاتره صعبه يعني ال كان بيتوتر كان بيطلع خليك راجل وخط ف بالك مستقبل عمرك يكمن ف اللحظه دي واثبت ومنتوترش كدا خلص الطبي.

## نصائح للرياضي

اولا : اليوم دا هيكون صعب عليك بس مش هتحمس بحاجه لان الاختبارات كلها ورا بعضها ممكن تختبر الجري الاول وممكن القفزه ع حسب ترتيبهم حط ف بالك ان اليوم دا هيحدد قبورك اتعب واضغط ع نفسك اوعي تستسلم انت قدها بص لصاحبك وقول لنفسك انا احسن منه انا اقوي منه استعن بالله واتوكل ع الله بالنسبه للناس ال مش بتعرف تعوم وال بتعرف انت اول ما بتدخل بيقل ال بيعرف يعوم يجي ع جنب وال مبيعرفش يجي ع جنب السباحه مش اجباري وساعة القفزه هيكون ف غواصين تحت هيطلعوك يعني متقلقش وانت 'اقف فوق هتخاف الشيطان هيتملكك هيقلك هتموت هتقع ع الارض الكلام الهايف دا كله بص لصحبك ال بينط دا قول لنفسك هو احسن مني ف ايه صدقتي لما تحسبها هتلاقي كل حاجه سهله وبعد ما تختبر هتعرف كدا.

## بالنسبه للهيئه:

تلبس بدله نضيفه وكرفته كويسه وملمع جزمك وبكل هدوء بتدخل الهيئه فى هيئه خطوه معتاده، ادرب عليها حتى ولو انت مش ظابط او عسكري هايدل ع اهتمامك ومنظرك بيكون احلى، بنقول ٧ حاجات ع ما اتذكر اسمك - رقم قيدك - جامعتك - كليتك - تخصصك - تقديرك - درجتك فى الرياضي، وانت فى الاختبار بيبصوك وبيبوصو للملف بتاعك ع شاشات اسكرين قدامهم ممكن يسالك عن حاجه وممكن يقولك اتفضل، ممكن تلاقى اسئله غريبه وحصلت زى مثلا اذكر مدن شمال سينا او مساحتها وممكن تلاقى اسئله شخصيه وانت لازم تكون بتتزن بالهدوء التام وتكون جاد فى كلامك ولو حد هزر معاك اخرك ابتسامه خفيفه وبلاش ابتسامه احسن، ماتعلقش ع الهزار او ترد بنكته ويكون كلامك فيها اتزان حضرتك وافندم -وتمام يافندم.

١. السمات الشخصية والنفسية المناسبة.

٢. اللياقة الطبية والبدنية التي تؤهل الطالب للنجاح في عمله.

٣. قوة الشخصية والقدرة على التصرف.

٤. المعلومات العامة والثقافية.

## نصائح قبل الكشف الطبي:

١. تجنب الحصول على أي دواء قد يغير من صفتك الطبية أو نتائج التحاليل.
٢. يجب الإفصاح عن الأمراض أو العمليات الجراحية التي أجريتها في أي مرحلة من حياتك قبل الكشف الطبي عليك و ذلك خلال عرضك على اللجنة الطبية المختصة.
٣. تأكد من نظافة الأذن و غسلها قبل توقيع الكشف الطبي عليك.
٤. تأكد من تخفيف شعر الرأس و حلاقة شعر الإبط و العانة بالكامل.
٥. احصل على قسط كافي من النوم و الراحة قبل ذهابك للكشف و تجنب الإرهاق و السهر ليلة الكشف حتى لا تتأثر حالتك الصحية بذلك.
٦. الطلبة الذين يحق لهم الكشف بالنظارة الطبية هم الطلبة الحاصلين على مجموع ٩٠ % علمي رياضة فأعلى لصالح الكلية الفنية العسكرية فقط.
٧. لا يعتد بأي كشوفات أو تحاليل أو تقارير طبية بخلاف ما يصدر من المجلس الطبي لطلبة الكليات و المعاهد العسكرية.

## الشروط العامة للقبول:

فيشترط في جميع المتقدمين أن يكون الطالب مصرى الجنسية ومن أبوين وجدين مصريين، وألا يكون الطالب أو أبويه مكتسبين جنسيات أخرى أو متقدم أحد منهم للحصول على جنسية أجنبية، وألا يكون المتقدم قد سبق الحكم عليه بعقوبة جنائية أو في جريمة مخلة بالشرف، وأن يكون حسن السير والسلوك، وألا يكون قد إستقال أو فصل تأديبياً من أى كلية أو معهد عسكري أو مدرسة عسكرية، وأن لا يكون قد أعفى من الخدمة العسكرية لعدم اللياقة الطبية، على أن يتم إرفاق بيان المعاملة التجنيدية، وأن يجتاز جميع الإختبارات والفحوصات الطبية والبدنية التي يحددها مكتب تنسيق القبول وفقاً للمستويات المقررة، وأن يجتاز إختبار قفزة الثقة في حمام السباحة من إرتفاع (٧،٥) متر بدون تردد وللمرة الأولى، ولايجوز إعادة الكشف على الطالب في نفس الدفعة المتقدم لها في حالة عدم اللياقة الطبية ، ألا يقل الطول عن ١٧٠ سم للذكور و ١٥٥ سم للإناث ويسمح للضباط الإحتياط والمكلفين وأفراد القوات المسلحة الموجودين بالخدمة بالتقدم لهذه الدفعة بنفس الشروط.

## الاختبار النفسي:

تقعد على الكمبيوتر بتجاوب حوالي ٢٧٠ سؤال مختلف اختر في زمن محدد والزمن يبقي فوق في الصفحة العداد شغال ولازم متاخذش في قراءة وحل السؤال اكر من 10 ثواني والى مش هتلع تحل حاجه خالص ومتخفش لان الاسئلة دى بتبقى عن شخصيتك ومواقف مختلفة ببشوفوا رد فعلك ايه وحاول تكون مركز لان السؤال بيتكرر بكذا طريقة وبيتم تحديد فيه شخصيتك ع اجهزه كمبيوتر اسئله بقي لا تعد ولا تحصي من هنا للصيح وخلي بالك في اسئله تحديد ذكاء كتبير جدا وفي الوقت دا هاتحس فعلا بمعدل ذكائك وهل انت ذكي ولا غبي والاختبار دا مهم جدا على فكره وبيكون ليه عامل اساسي في اختيارك ولو في حاجه مش فاهمها اسئل عنها لان لو في حاجه مش فاهمها ممكن بسببها تضيع كل الاسئله ودي حصلت مع دفعه كامله كانت بتختبر كدا كدا قليل منكم اللي هاتلاقوه ماجلوش رساله انه يكمل بقيت الاختبارات لان اساسا الاختبار دا عباره عن درجه بتاخذها وبتكمل.

## كشف القوام:

الكشف دة عن ضبط الطول مع الوزن وانت بتخش على اله موصلة بحاسب الى بتقيس الطول مع الوزن وطبعا الطول والوزن لازم يكون مثالي زي ايه انا طولي ١٨٥ ببيقي وزني في حدود ٨٠ او ٨٥ وايضا بيتم قياس عرض الصدر.



## كشف الجلدية:

يتم عرضك على الدكتور وبيشوف اذا كان عندك اى جرح او مرض جلدى.




## كشف الاسنان:

الكشف ده مش عاوز تعريف هو بس ببشوف الاسنان مظبوطة ولا ولو مركب طربوش عادى فيه ناس عديت قبل كدا.



## كشف العظام:

ده ببشوف شكل الجسم وبعض الحالات مثل الفلات فوت التقوس الالتصاق الناتج عن التقوس واحيانا بيطلب منك عمل عقلة وعلى فكرة الكشف ده بيطلع اكثر من ٦٠% من الناس اللي طالعة طبى.




## كشف الاذن والاذن:


لازم تكون رايح الكشف دة غاسل اذنك واحد يقولى اغسلها بالمية والصابون فى البيت لا يا فالح الغسيل دة بيكون عند دكتور علشان بنظف الاذن من الشمع علشان الدكتور يقدر يشوف داخل الاذن.



## كشف الرمد وعمى الالوان:

نبدا بعمى الالوان بيعرض عليك كذا صورة وتقول الرقم اللي فيها ولو عاوز تختبر نفسك الصور دى موجودة على الانترنت ودا موقع بيعملك اختبار (<http://www.freeiqquizz.com/?id=552>) الرمد انت طبعا عارف اللوحة اللي عليها دوائر مفتوحة او حرف زي حرف E كدا ملحوظة : يسمح للطلبة الحاصلين علي مجموع ٩٢% فما فوق علمي بالكشف بالنظارة لصالح الكلية الفنية العسكرية





### كشف الجراحة:

كشف الجراحة مش بيكشف عن العمليات الجراحية وكذا لا دا بيكشف عن اليوسير او الاشخاص ال

### كشف الباطنة:

كشف الباطنة دا بيكشف عن الطحال والمعدة واشياء اخري في البطن مش عارفين ايه هيا لانه كشف غريب كذا المهم نادر ما حد بيسقط فيه

### كشف النفسية:

بيطلب منك النطق ببعض العبارات علشان يشوف عندك حرف ولا لا زي (٤٤ ٦٦) او امر امير الامراء بحفر بئر في الصحراء وهكذا

### كشف المعمل:

بياخذ منك عينة دم وعينة بول وبحللها طبعا علشان الفيرس او اي مشاكل في الدم او صديد في البول وكمان اكتشاف اذا كنت بتشرب مواد مخدرة او لا.




## كشف الموجات الصوتية:

الكشف دة على الكلى بالموجات فوق الصوتية اكيد اكثر الناس تعرف جهاز الموجات فوق الصوتية الي بيستخدم لتصوير الجنين الي هو دا



## كشف الاشعة على الصدر:

بيتم فية الكشف علي الرئتين والبحث عن وجود تليف وكدا من خلال عمل اشعة للصدر كدا



## كشف قاع العين:

كشف قاع العين وهو ضروري للاطمئنان على شبكية العين والجسم الزجاجي، بيقوم الدكتور بوضع قطرة مخصصة لتكبير الشبكية لكي يري ما بداخلها طبعا القطرة دي صعبة شوية لانك مش بتعرف تشوف في النور كانك في غرفة مظلمة والكهرباء قاطعة لو النور جا فجاءة مش بتشوف الا بعد ثواني دا بالضبط الي بيحصل بس دا بيدوم شوية، وبكدا نكون خلصنا الكشف الطبي ولو انت سقطت في عيادة واحدة بتكمل للنهاية وبعد ما تخلص يقولك انت سقطت اية لادن لو سقطت في عيادتين مش بتكمل وبيخرجك ويقولك ملكش نصيب احيانا بتحصل وبعديك ويخليك تعمل التماس في العادتين لو محتاجين عدد كتير اما لو سقطت في كشف واحد فمن حقاك تعمل التماس في نفس اليوم وانت هناك متتاخرش عن كدا وبيجي مستشار يعيد الكشف

عليك وغالبا بتتجح، طبعا لما تتجح من غير رسوب في اي عيادة دا افضل وكمان بعد ما تخلص بيقولك علي ميعاد الاختبار الرياضي وفيين مكانة وان شاء الله هنتشرحة هنا برضو، ملحوظة الكشف الي بيختلف في الجوية عن الكشوفات دي هو كشف غرفة الضغطالكشف لمدة ٥ دقائق لو خرجت واذنك مخرجتش دم يبقي كدا انت نجحت او رجعت وكدا



ملحوظة يتم إخطارك بنتيجة الكشف الطبي فور إتمامها م رئيس اللجنة الطبية وعلى الطالب الإلتزام بعدم مغادرة القومسيون الطبي قبل معرفة نتيجة الإختبار الطبي وميعاد اختبار اللياقة البدنية في حالة نجاحه .

### قفزة الثقة:

قفزة الثقة هي أول أختبارات الرياضي في الكلية ولازم عشان تكمل باقي الاختبارات في الكلية تكون - - أديت قفزة الثقة بنجاح، بيتم اداء قفزة الثقة من حمام سباحة الكلية الحربية على ارتفاع ٧,٥ متر، كل طالب بيمنح فرصة واحدة فقط لا غير في اداء قفزة الثقة، ليك ٣ ثواني تقفز فيهم لو أتأخرت عن ال ٣ ثواني تعتبر مقصر وملكش اي حق في انك تطالب بأداء القفزة مرة ثانية وملهاش أي التماس، بيتم اداء قفزة الثقة بطريقة عمودية بحيث يكون الجسم مستقيم، ممنوع تماماً تلمس اي جزء من اجزاء المنط اثناء قفزة الثقة باستثناء القدمين فقط طبعا، طريقة احتساب النتيجة بتكون ( مضى - قصر )

## أختبار السباحة :

أختبار أجبائي للطلبة المتقدمين للكلية البحرية وأختباري لباقي الطلبة المتقدمين لباقي الكليات والمعاهد العسكرية، عند بداية الاختبار يقوم الطالب بالوقوف عند حافة حمام السباحة، بعدها الضابط المسئول يقول خذ مكانك بعدها يبطلق صفارة البدء، لما تسمع اشارة البدء بتنط في المية و تقوم بالسباحة بسرعة من غير اي توقف في خط مستقيم في الحارة المخصصة لك لحد الوصول لخط النهاية، طريقة احتساب النتيجة، طول حمام السباحة في زمن اقل من ٦٠ ثانية = ٢٠ درجة، طول الحمام بدون زمن ٥٠ متر = ١٥ درجة، عرض الحمام بدون زمن ٢٥ متر = ١٠ درجات، عدم استكمال العرض = صفر من الدرجات.

## أختبار الضغط:

عند بداية الاختبار بتكون واخذ واضع الانبطاح المائل على الارض بحيث جسمك يكون مفرد على استقامة واحدة و مافيش اي تقوس لاسفل او لأعلى و الذراعين مفرودين و المسافة بينهم بتكون اتساع الصدر ونظرك للامام، الضابط المسئول معاك بيحط قبضة ايده على ارتفاع معين ولما يدريك اشارة البدء بتقوم بثني الذراعين وتبدء في التمرين ولازم تلمس قبضة ايده الضابط في كل مرة، بتستمر في اداء التمرين لاكثر عدد ممكن.

طريقة احتساب النتيجة :

أقل من ١٥ عدة = صفر من الدرجات

15عدة = ١٥ درجة

20عدة = ٢٠ درجة

30عدة = ٣٠ درجة

40عدة = ٤٠ درجة

الدرجة النهائية للأختبار ٤٠ درجة.

## أختبار البطن :

تتخذ وضع الرقود على الظهر مع ثني الركبتين بحيث يكون الركبتين مضموتين، بتشبك صوابع ايدك مع تقاطع الابهامين و وضعهم اعلى الصدر مع ملاصقة الكوعين للجذع طول فترة الاختبار، لما يدليك الطابط اشارة البدء بتقوم بثني الجذع لقدام للوصول لوضع الجلوس بحيث يلمس الطالب الساعدين أعلى الركبتين ثم الرجوع، يستمر الطالب في اداء اكبر عدد من المرات الممكنة في زمن دقيقة ونص ٩٠ ثانية.

طريقة احتساب النتيجة:

أقل من ١٥ عدة = صفر درجات

15عدة = ١٥ درجة

20عدة = ٢٠ درجة

30عدة = ٣٠ درجة

40عدة = ٤٠ درجة

الدرجة النهائية لأختبار البطن ٤٠ درجة

## خامساً أختبار العقلة :

بتقف تحت جهاز العقلة ولما يدليك الطابط اشارة البدء بتقوم بالتعلق على العقلة و قبضة ايدك لفوق، بتبدأ بأداء الاختبار من خلال شد ذراعك لرفع جسمك لحد لما توصل بذقنك فوق عارضة العقلة، بتقوم بأداء التمارين اكبر عدد ممكن المرات.

طريقة احتساب النتيجة:

أقل من ٤ عدات = صفر

5عدات = ٢٠ درجة

6عدات = ٢٤ درجة

8عدات = ٣٢ درجة

10عدات = ٤٠ درجة

الدرجة النهائية للاختبار ٤٠ درجة.

## الاختبار الرياضي عبارته عن:

١. ضغط عليه ٤٠ درجة
٢. بطن ٤٠ درجة
٣. جري ١٠٠ متر ١٠ درجات
٤. جري ٤٠٠ متر ٤٠ درجة
٥. وثب من ثبات ٢٠ درجة
٦. انتران ع عارضه التوازن ١٠ درجات
٧. المرونه أو الزجراج Z عليه ٤٠ درجة

كدا المجموع الكلي ٢٠٠ درجة ودرجة النجاح بتبقى من ١٠٠ درجة

## معلومات هامة تفيد في تميز الطالب وتساعد في القبول

### بالنسبه لعائله الطالب :

١. مؤهل الوالد والوالده ( مؤهل عالي - فوق متوسط - متوسط)
٢. والد الطالب او اخوه او عمه او ابن عمه ( هل هم احد افراد القوات المسلحه ام لا)
٣. المستوي التعليمي للعائله ككل

### بالنسبه للطالب :

١. التقدير العام للطالب ( امتياز - جيد جدا - جيد)
٢. المستوي الطبي للطالب ( لائق ام غير لائق)
٣. المستوي الرياضي للطالب ( الدرجة الحاصل عليها ف الاختبار الرياضي)
٤. قدرات الطالب والمستوي الرياضي ( الاختبار النفسي - واختبار المعلومات عن مصر)
٥. الشكل العام للطالب او الشكل التناسقي للطالب ( بعيدا عن وزنه مثالي مع طوله ام لا)
٦. البطولات او الشهادات اللي حصل عليها الطالب :

## ازاي تعدي كشف الهيئه ..؟

ناس كثير متعرفش اللي بيتم فالاختبار ده عشان كده هنسهل عليكم الاختبار ونقولك اللي بيتم فيه وافضل نصايح عشان تعدي فالاختبار  
اولا ايه اللي بيتم في اختبار الهيئه؟  
بتلتزم بالزي المحدد للاختبار وهو

١. قميص ابيض نص كم
٢. بنطالون اسود قماش زي بتاع البدله
٣. جزمه سوده برياط
٤. ساعه بلاستيك رياضيه ودي تقريبا مش اجباري
٥. حالق شعرك ودقنك كويس

## ثانيا المراحل اللي بتمر بيها

١. بتدخل من بوابه الكليه بتاخذ تلقين اي شرح من رتبه هتستقبلك فالصاله
٢. هيقولك تمشي خطوه معتاده وتلتزم بمكانك حسب ترتيبك
٣. وتخلي بالك من كل تصرفاتك ووقفنك تكون ازاي لان في كاميرات
٤. هيحفظك ٧ حاجات اول ما تدخل هتقول تمام يا فندم وتبدا تقولهم ورا بعض

## ثالثا ازاي تجتاز الاختبار ده بكفائه عاليه وتضمن انك تتال اعجاب اللجنة


١. وقفنك وقعدتك ومشيتك كله ميري قبل الدخول لان في كاميرات
٢. تحفظ ال ٧ حاجات اللي هيقلك عليهم الطابط فالتلقين كويس جدا زي اسمك ورا بعض
٣. تدخل قدام اللجنة فالهيئه بدوون اي خووف او قلق او توتر
٤. تقول اي حاجه باعلي صوت عندك حتي لو هتطرشهم عايزهم يقولو عليك اسد واقف قدامهم
٥. تكون واثق جدا في نفسك ومفيش اي رهبه او خووف
٦. تاخذ هدف ثابت قدامك ومتبصش علي حد فيهم عشان متتوترش
٧. اي حاجه يسالك فيها اياك تالف لو مش عارف قوله معرفش يا فندم

٨. لو سالك علي حاجه وعابز ترد ب ايوه او اه متقولش كده قوله تمام يا فندم اياك تقول ايوه او اه



٩. ابدأ ال ٧ حاجات اللي ورا بعض ب تمام يا فندم واختم ب تمام يا فندم


١٠. اخيرا وانت ماشي تمشي بنفس طريقه دخولك متمشيش متراخي وخلي خطوتك مشيه معتاده.

### بعض التمارين الرياضية:















## اختبار الهيئة اناث:



### اللبس المطلوب

- بنطلون اسود او جيبه سوده قميص او بلوزه بيضه شوز اسود فلات او كعب عالي بس ميزدش عن ٣ سم
- الطرحه اي لون بس يفضل اسود او ابيض يعني متلبسش احمر مثلا ولا فشويا

### شرح اختبار الهيئة بالتفصيل

بتروحي ع بوابه رقم ٥ الساعة ٧ الصبح.

بتقفي تستتي الاتوبيس يجي ياخذك لغاية قاعة المحاضرات وف مكان زي اوضه كدا ممكن تغيري هدومك فيها.

بعد كدا بتقدي لغاية الساعة ٨ وبيجي اتوبيس ثاني بتتقسما لجان كل لجنه ف اتوبيس وبتروحي مقر الهيئة بتقعدوا هناك كل لجنه منفصله عن الثانيه ويجي الامين ينده ع الاسماء ويديكي رقم الهيئة ومن خلال الرقم دا هيتعاملوا معاكي ف اليوم دا وبيقولكوا ع تعليمات وطبعا لازم تركزي مع الكلام دا وف كاميرار مراقبه بترصد كل حاجه والتعليمات كالاتي

بتقنوا مجموعات متتاليه بتتقسما ٢٠ او ٥٠ بنت وبتتخلوا ف طرقه وبعدين بتتقسما ف

الطرقه دي لخمسة ويتكونوا طبعا خلاص ع باب اوضه اختبار الهيئه ويتدخل واحده واحده  
بعد سماع اسمها وتقول افندم بصوت عالي وواضح علشان يعرفوا انك موجوده وبعدها  
تدخل جوا عندهم بخطوات ثابتة وتقفي انتباه وتقولوا الاتي

اسمك تخصصك تقديرك

وبعدين بيقلك شكرا تقومي خارجه من الباب الثاني ويتستي ف طابور الانتظار الثاني  
علشان لو كانت ف حاجه مش واضحه ف الملف هيندهوا عليك تاني وبمجرد ما يدخلوا  
بعذك بنتين خلاص ع كذا بتمشي ويتستي بعدها كام يوم لغاية ما يتصلوا بيكي علشان  
الطبي المتقدم



- ✓ يمثل الكتاب خطوات استرشادية منظمة للتوجيه الصحيح لخريجي كلية الخدمة الاجتماعية الراغبين في التعرف علي طريق الضباط المتخصصين.
  - ✓ يشرح الكتاب طريق تنظيم الافكار وتسلسلها وتوجيهها علي المسار الصحيح.
  - ✓ يجيب الكتاب علي معظم الاسئلة والتصورات التي لم يجد القارئ لها اجابة.
- تحيا جمهورية مصر العربية  
تحيا مصر ... تحيا مصر ... تحيا مصر ...  
تحيا مصر شعبا وجيشا وشرطة وقيادة وزعامة وريادة تحيا مصر

د. حازم مطر

Hazemmattr25@gmail.com